

Nossa raspada



Sch'eu m'algord da tai sün ma cuotscha, [...]

lura sa eu: tü est meis agüd, meis gnieu n'ha eu aint suot tias alas. (Ps 63,7s.)

Allegra!

Pel mais lügl vaina ponderà che chi pudess esser la differenza tanter ils differentes möds da far viadi. Ma dürant ils mais da la bella stagiun as staja forsa eir üna jada simplamaing ün mumaint salda, as tira il flà, as lascha girar ils impissamaints, fand ,la siesta' o il cupidin e lascha passar il temp il plü chod dal di. Far ün mumaint la posa nun es però ün segn d'üna vita chastöra, a l'incuntrari: i voul mumaints da recreaziun per digerir quai cha nus vain prestà e passantà, per chattar ispiraziun e minchatant eir per dvantar consciaints dal fat cha nus nun eschan sulets cun tuot quai cha nus fain: Dieu es nos agüd! Uschè til possa affidar tuot quai chi'm va tras il cheu, tant quai ch'eu less far oter cur ch'eu starà sü da la cuotscha, tant quai chi'm fa esser grà. Il temp sün cuotscha po dimena eir esser ün pitschen mumaint ch'eu passaint cun Dieu.

Giavüschand buna recreaziun,
Vos rav. Christoph Reutlinger.

Pravenda evangelica

7559 Tschlin

tel. 081 866 32 63

www.valsot-ref.ch

Cults divins avuost 2023

Dumengia, ils 6 avuost

11:00 Samignun: ökumenischer Berggottesdienst auf Alp Trida Sattel mit gesanglicher Umrahmung durch den St. Magnus-Chor. Bergfahrten um 10:00 und 10:30 für GottesdienstbesucherInnen gratis.

rav. Christoph Reutlinger e p. Markus Peters

Dumengia, ils 20 avuost

09:30 Ramosch

11:00 Tschlin

predichanta laica Seraina Guler da Sent

Dumengia, ils 27 avuost

09:30 Martina

11:00 Vnà

rav. Christoph Reutlinger

Volver, per plaschair!

Giantar cumünaivel a San Niclà

i'l café sper l'En

Mercurdi, ils 30 avuost a partir da las 12:00.

Per plaschair s'annunzchar pro Cilgia Etter:

079 530 70 58

Nozzas a Ramosch

Als 26 avuost a las 13:30 maridan Not Luzzi e Claudia Denoth illa baselgia Sonch Flurin a Ramosch.

Nus racumandain al pêr a la benedicziun dal Segner e giavüschain blera furtüna!

Viadi dals attempats in Val Müstair

Il viadi dals attempats ha lö **mardi als 12 settember** e'ns maina quist on in Val Müstair. Davo la visita da la clostra a Müstair ans spetta ün bun giantar.

Annunzchas (fin als 8 settember) pro Maria Pardeller, numer da telefon 081 866 37 74.

Cuosts: fr. 40.–

Urari da la posta (viadi special):

08:00 Martina

08:05 Strada Cuncalada

08:15 Tschlin

08:25 Seraplana, fermativa

08:30 Ramosch, Plaz

Nus tuornain vers saira in noss cumüns.

Nus ans allegrain sün numerusa partecipaziun!

/il consistori e rav. Christoph Reutlinger

Vacanzas dal ravarenda

Dals 7 als 21 avuost n'haja vacanzas. Dürant quist temp surpiglian las collegas seguaintas cas urgiaints:

– dals 7 als 13 avuost:

rav. Dagmar Bertram da Scuol (081 864 12 03)

– dals 14 als 21 avuost:

rav. Maria Schneebeli da Sent (076 316 75 29)

Grazcha per Lur incletta e fin bainbod!

/rav. Chr. Reutlinger